

UGWALONDLLELA LWEZINSIZAKALO ZE-FINEALT BIOECONOMY KULABO ESEBENZELANA LABO

ISINGENISO

Ekufezeni injongo yethu yokwakha lokuthuthukisa ezama-indasitiri kusetshenziswa impahla lezinsizakalo ze-Bioeconomy, sizimisele ukusebenzelana lababambiqhaza ngendlela ekhululekileyo, efudumeleyo, elobuchwepheshe lehambelana lezimiso lengqubo ezivunyelweneyo ezinanzelela amalungelo lemilandu yalabo esisebenzelana labo.

Ugwalondlela lwethu Lwezinsizakalo Kulabo Esisebenzelana Labo lwethula amalungelo akho, indlela ozaphathwa ngayo lokukhangeleleyo kithi esitholisa impahla lezinsizakalo. Lwethula njalo imilandu yakho lendlela zokupha imibono mayelana ngezinsizakalo zethu.

OKUPHATHELANE LATHI

I-Finealt Engineering iphiwe umlandu nguHulumende weZimbabwe wokulungisa lokusungula impahla zemihlobo etshiyeneyo ezivuselelekayo ngendlela eqhubekayo. Ezinye zempahla zigoqela amafutha okupheka, idizili lezinye ezilungiswe ngalezi, ezifana lemithi yokuhlaza lesepa.

AMAWOFISI ETHU LEZIKHATHI

SITHOLAKALA ENDAWENI EZILANDELAYO:

1. EMt Hampden Bioeconomy Industrial Park, Haydon, Mt. Hampden, ulandela umgwaqo we- Old Mazowe.
2. EMutoko Bioeconomy Industrial Park eduzane leMutoko Centre
3. ENyakadecha Agro-industrial Park eMudzi.
4. Indawana yeChigori Finealt Research eMurehwa ulandela umgwaqo weMukarakate.

SIVULA

NGOMVULO KUSIYAFIKA OLWESIHLANU ngo-0745
kusiyafika u 1630
NGOMGQIBELO ngo-0800 kusiyafika u-1300

UKUSUNGULA OKUTSHA LAMA-
INDASITIRI KUSETSHENZISWA
UMNOTHO WEZEMVELO
EZIVUSELELWAYO



UMBONO WETHU

Ukuba yintshantshu ekulungiseni impahla zeBioeconomy eZimbabwe kusiyafika umnyaka ka-2030

INHLOSO YETHU

Ukulungisa impahla lokutholisa izinsizakalo zeBioeconomy ngendlela eqhubekayo.

ESIKUQAKATHEKISAYO

- a) Ukubambisana
- b) Ubuqotho
- c) Uhlonzi
- d) Inhlonipho
- e) Ukuzinikela
- f) Ukuvikela imvelo

UKUZINIKELA KWE-FINEALT


Ekukutholiseni izinsizakalo sithembisa:

- ✓ Ukukhululeka, ukufudumala lobuchwphesh kwababambiqhaza.
- ✓ Ukunanzelela ukwahlukahlukana kwalabo esisebenzelana labo.
- ✓ Ukuphendula imibuzo lezikhhalazo zalabo esisebenzelana labo ngendlela eqondileyo ngokuphangisa.
- ✓ Ukutholisa izinsizakalo kulandelwa ingqubo lezimiso ezibekiweyo.
- ✓ Ukuqinisekisa izinga eliphezulu lezinsizakalo kulabo esisebenzelana labo ngokuqeqetsha izisebenzi njalonje ngendlela yokuxoxisana lesisebenzelana labo ngezinsizakalo lokuqhubeka sifundisa ababambiqhaza ngenguquko ezibakhona empahleni lakuzinsizakalo zethu, kungqubo lasemithethweni ukuze sehlise ukuphazamiseka okungadingekiyo.
- ✓ Ukusebenzisa indlela zonke ezifaneleyo zokupha imibono ezibalisela ukuxoxisana mathupha lesisebenzelana labo lokusebenzisa ucwaningo ngemva kwezikhathi ezithile ukuze kuqinisekise lokukala amazanga okusuthiseka kwesisebenzelana labo.

AMALUNGELO ALABO ESISEBENZELANA LABO

Sizinikele ukunanzelela amalungelo alabo esisebenzelana labo agoqela:

- ✓ Ilungelo lokuthola izinsizakalo lolwazi lokufinyelela izakhiwo lezidingo zababambiqhaza.
- ✓ Ukuphendula izikhhalazo lemibuzo ngokuphangisa.
- ✓ Ilungelo lokukhalaza.
- ✓ Ubumfihlo ekusebenzeni kwethu lani.
- ✓ Ukuphathwa ngendlela efaneleyo, ngenhlonipho langesizotha.
- ✓ Ilungelo lokuthola impahla lezinsizakalo ezilohlonzi.



ESIKUKHANGELELEYO KINI

Ekusebenzeni kwethu lani sikhangelele ukuthi:

- ✓ Libe lobuntu lobuchwepheshe.
- ✓ Linanzelele njalo lihloniphe ingqubo lemithetho yethu, okusemthethweni lesikukhangeleleyo ekusebenziseni impahla lezinsizakalo zethu.
- ✓ Lisitshela imibono yenu eqakathekileyo ezasancedisa ukuthuthukisa uhlonzi lwempahla lezinsizakalo zethu.

ELINGAKUKHANGELELA KITHI

Ekusebenzeni kwethu lani sizinikele:

- ✓ Ukutholisa izinsizakalo ezilobuchwepheshe lempahla ezilohlonzi.
- ✓ Ukuliphatha ngesizotha langenhlonipho.
- ✓ Ukuqakathekisa ubumfihlo ekuxoxisaneni lani.
- ✓ Ukuliphatha ngendlela engabandlululiyo.
- ✓ Ukukhuthaza ukubambisana lokuba lomlandu njengeqembu.
- ✓ Ukulipha usizo ngokuphangisa.
- ✓ Ukulidalela umumo wokusebenzela okhululekileyo.
- ✓ Ukulifundisa ngogwalondlela lwethu lwezinsizakalo.

INDLELA ZOKUPHA IMIBONO

Sihlose ukutholisa izinsizakalo ezilohlonzi njalo siqinisekisa ukusebenza ngendlela efaneleyo sonke isikhathi. Siqakathekisa imibono yenu. Siyazamukela zonke izikhalazo lemibono yenu mayelana lempahla lezinsizakalo zethu.

Lingaxhumana lathi:

1. Ngokuxoxisana lezisebenzi zethu ezikhululekileyo ezisendaweni ezethulwe phezulu.
2. Ngokubhala Iyimeyili ku: helpdesk@finealtbioeconomy.co.zw
3. Ngokusitshayela ucingo kumbe ukuthumela umlayezo kumbe i-WhatsApp kunombolo ezilandelayo: +263773649048/07196490/077606 8209
4. Ngokusebenzisa ikhasi lethu lebulenjini: www.finealtbioeconomy.co.zw

INDLELA ZOKUPHATHA IZIKHALAZO

I-Finealt iqakathekisa izikhalazo njalo iyazamukela njengethuba lokuthuthukisa izinsizakalo lempahla ezitholisayo.

Sihlose ukuxazulula izikhalazo ngokusobala, ngobuqotho langokuphangisa. Sizinikela:

1. Ukuthatha amanyathelo ngokuphangisa nxa kukhangeleka kulobungozi.
2. Ukwazisa ngokwamukela isikhalazo sakho kungakedluli amahola angu-24 lokuphendula umbuzo wakho kungakedluli amahola angu-72 ngemva kokwazisa.

Nxa singenelisi ukukuphendula ngesikhathi esibekiweyo, sizakwazisa ukuthi impendulo ungayithola nini. Sizaqhubeka sikwazisa ngenqubo yesikhalazo sakho.

**INDLELA
ZOKUXHUMANA
LATHI.
THUMELA IMIBUZO
LEMIBONO KU:**

The Marketing & Public Relations
Manager.
Finealt Engineering Limited.
Haydon Farm, Mt Hampden.
helpdesk@finealtbioeconomy.co.zw
www.finealtbioeconomy.co.zw

INOMBOLO ZOCINGO:
Marketing & PR:
+263 776 068 209
+263 773 649 048
+263 719 649 0
+263 776 068 209

**UKUSUNGULA OKUTSHA LEZAMA-
INDASITIRI KUSETSHENZISWA UMNOTHO
WEZEMVELO EZIVUSELELWAYO**